



**Айдар:  
Рубрика:**

**Жоғары білім беру жүйесіндегі риторика  
Риторика в системе высшего образования**

Қазіре таңдағы шешендейттану /риторика/ ілімі – ойланған шебер сөйлеу үрдісінің жүйесін таныттын, ойланудан вербализациялауга дейінгі үрдістің күлі сатыларын есепке алатын классикалық риторика ғылымының заңды жалғасы. Риторикалық канондар – адамның өзіндік сөйлеу жүйесінің алгоритмі. Демек, шешендейттану арналары, риторикалық канондар, үздік «шешен-классиктер» туралы мағлұматтар – сөйлеу өнерін жесте игеруге аса қажетті база.

Біздіңше, шешендейт өнер тек шартты түрде ғана өнер делінеді, ал, шын мәнінде, бұл – бойында бұған қатысты аса қажетті белгілері жоқ болса да, әрбір адам игерे алатын басым дәрежедегі шығармашылық іс-әрекет. Ендеше, әрбір сауатты адам үздіксіз де қажырлы, мақсатты да ұмтылысты еңбектің нәтижесінде шешендейт өнер негіздерін, яғни, аудитория алдында түсінікті де қызығылышты және иланымды сөз сөйлеу білігін әбден менгереле алады. Ал, қазіргі таңда осы орталас білік-дағдысыз кәсіби мамандың қалыптасуын көзге елестету мүмкін емес

Әріптестеріміздің сұрауы бойынша шешендейттану қагидаларын практикалық ісімізде пайдалану жолдары жөніндегі талдамаларымыздың жалғасын ұсынамыз. Бұл базыттазы ойтуйндеріміздің басы «Ғылым және білім» журналының алғы реттегі сандарында / «Жоғары оқуорны оқытушысының лекторлық кәсіби қалты», 2009, №4, 122-127-б.б.; «Сөз сөйлеуге қатысты тірек сауалдар мен алғы мақсатты жүйелегу талдамасы», 2010, №1, 309-315-б.б./ жарық көрді. Ұсынылып отырған үшінші мақалада негізгі мәселемізді жинақтайдыз. Әрине, бұл - шешендейттану ілімінің бір қалтарысы ғана.

ӘОЖ: 808/574/

**ЖОҒАРЫ ОҚУ ОРНЫ ОҚЫТУШЫСЫНЫҢ ШЕШЕН-ЛЕКТОР ҚАЛПЫНДАҒЫ  
СӨЙЛЕР СӨЗІНДЕП НЕГІЗПЕ ТЕЗИСТИҢ ЖҮЙЕЛЕНУ АСПЕКТИЛЕРІ**

**А. С. Қыдыршаев, пед. ғылымдарының докторы, профессор**

Жәнгір хан атындағы Батыс Қазақстан аграрлық-техникалық университеті

Мақалада жоғары оқу орны лектор – оқытушысының сөйлер сөзіндеңі негізгі тезистің жүйелену аспектілері екшеле түйінделеді. Нәтижеде шешендейт сөз композициясының құрылымдық элементтері таратылып ұсынылады.

В статье раскрываются аспекты систематизации основных тезисов выступлении лектора – преподавателя вуза. В результате чего вычленяются структурные элементы композиции речи оратора.

*The aspects of systematization of main thesis of higher school lector-teacher's speech are revealed in the article. As the result, structural elements of orator's speech composition are divided into parts.*

Негізгі ойды тұра да нақты баяндауға ұмтылмау – көпшілік жағдайда лекторларда кездесетін дағды кемдігі мен тартымсыздық қалпын анғартар олқылықты құбылыс. Бұндай жағдайда тындаушылардың бар энергиясы шешен не айтқысы келгенін анғаруға кетер болса, сөйленген сөз тындаушыларға тиісті дәрежеде әсер етпейді. Осы ретте шешен өзінің тың да батыл ойын тезис күйінде айқара ашып салмауы тиіс.

*Тезис – бұл басты ойдың (идеяның) сөзбен бейнеленуі. Лекция мақсатына анық сілтеме берер негізгі пайымдама немесе фраза.* Тезисті жинақтай жүйелеу үшін, шешен өзінен-өзі: «Мен адамдарға тұтас тақырыптың өзегі ретінде не айтамын?», «Тындаушыларға міндетті турде не туралы айтуға тиіспін?», «Мен ең басты деп нені есептеймін?», «Өз санамда не қалуы тиіс?» секілді сауалдарды қойғаны орынды.

*Тезистің жүйеленуі – курделі психологиялық-лингвистикалық міндет.* Курделілігі сол – басты ойдың оп-онай қалқып аларлықтай үстіртін қалыпта жатпайтындығы. Оны бағытталып отырған аудитория мен сөз сөйлеудің нақты мақсатына орайлас алғы межені есепке ала отырып (элеуметтік сұранысқа қоса) ойлап шығарған жөн. Тезис – дәлелді талдаудың барша инструкциясының өзегі. Соған сәйкесті ол санада шегеленуі тиіс. Бұл орайда қазіргі шешендіктануды зерттеушілердің бірі былайша жазады: «Важно определить тот содержательный и композиционно – стилистический центр, стержень, вокруг которого организуется вся речь. Тем самым определяется общая стратегия речи, роль и функций отдельных компонентов» [1, 78 б.].

Қысқасы, тезисті, барша сындарға, полемикаларға, өмірдің сан алуан қындықтарына төзуі тиіс фразаны, ұштау оп-онай емес. Салған жерден белгілі бір талаптарға жауап берерліктең қысқа да нақты тезисті жүйелеу қын-ақ. Көбінесе алғашында бірнеше фразалардан тұратын ой шекарасын кескіндейтін жұмыс, алдын-ала қағазға түсірлген тезисі белгіленеді. Ілгері мазмұнмен жүргізілер жұмыс барысында ол талапқа сәйкесті екшеледі, қыскарады және ақырында жүйеленеді. Ал, сөйленер сөз нысанының шектелуіне, яғни бастыны айтуда сөздің аз, ойдың мол ұстанымы жүзеге аспақ.

Сөйленер сөздің сапасына мысқал да зиян келтірмestен ойды қалай тығыздауга, сөзді қалай шектеуге болады? Тақырыпты тұгастай менгеру - мәселенің бір жағы. Оған адам ғұмыры жетпеуі мүмкін. Екінші - жинақталған білім тығыздығына сәйкесті белгіленген аудиторияға орайлас тұщымды да тәлімді, қылыштарысты елең еткізер сөз сөйлеу білу. Бұның алдыңғысы да, соңғысы да аса қажетті.

Сөйленер сөздегі негізгі сауалдардың молдығы, көбінесе, автордың басты ойды жеріне жеткізе ойластырмағанын анғартады. Егер де әрқайсысына көл-көсір уақыт кететін болса, төртеуден аса балтарды белгілеудің қажеттігі шамалы. Бұған аудиторияның да жадына одан аса мәліметті сіңірудің ауыр тиерін ескеру артық емес. Кейде іс мәнісін менгеруге екі мәселенің өзі-ақ жеткілікті болып жатады.

Қысқасы, аз сөзбен көпті айту – оқытушының лекторлық шеберлігінің озық көрінісі. Қазақтың Қабдоловынша айтсак, «аз біліп, көп сөйлеген – мылжың, көп біліп, аз сөйлеген – шешен».

Оқыту үрдісінде оқытушының жекелік ұстанымы да көп нәрседен хабар береді. Көрсетілімдердің қарапайымдылығы, үрдістер мен құбылыстардың көрнекі бейнеленуі, тірек белгілер, символдар елестетуді оятады және көргенін есте ұзақ сақтауға себепші.

Таныс нәрсені қалайша қызықты етуге, ал жаңа мен курделіні қалайша түсінікті етуге болады? Біріншіден, егер де тақырып ескі болса (бұрын айтыла-айтыла мезі етілген тақырып болса), онда оны жаңа да тың деректермен және мейлінше байкалып тұрган қызығушылықтармен үйлестіре дамытуды керек етеді. Екіншіден, егер де тақырып тың да бұрынғылардан ерекшелене болса, онда оны тындаушылардың тұрмыстық тәжірибелеріне және көпшілікке мәлім ережелерге сүйене отырып дамыту тиімді. Дегенмен де екі жағдайда да көтерілген мәселе мен оның нысанына байланысты мейлінше көбірек бағыттама ұстану керек-ақ. Жалпы кім-кімге де пәнди нашар білсе, оған оны баяндау да мейлінше қызықсыз, оның сөйлеген сөзінің мазмұны кедей болған сайын, онда тың да жаңа материалдардың мардымсыздығын анғартады.

Тіпті тың да жақсы іріктелген материалдар – бұл архитектуралық құралдардың қоймасығана. Әлі, фундаменті құйыла тұрса да, сөйленер сөз сарайы тұрғызылмаған. Тақырып бар, мақсат айқын, негізгі ой тезис үлгісінде жүйеленген, дегенмен де әлі даму үрдісі жоқ. Оны ойлау – аудиторияға ұсынбас бұрын, алғашында өз санада негізгі идеяны баяндаудың ой ұшығын мәжелеу деген сөз. Қашан да өзіңмен-өзің отырып сараптау, яғни ой дамуының жүйелілігін анықтау пайдалы.

Егер де не туралы сөйлеймін, неге сөйлеймін, қанша сөйлеймін сауалдарына жауап табылса, лекция тақырыбы ашылады деп сенуге әбден болады. Ендігі кезекте сөйленер сөздегі ой ұшығын анықтау мен лекция жоспарын әзірлеуға қалады.

*Сөйленер сөздің ой ұшығы* лекцияның басынан аягына дейін негізгі ойдың даму логикасын, мақсатқа бағытталған қозғалыстың жүйелілігін аңғартады. Ол композицияның базасы болып табылады, яғни материалдардың кіріспеде, негізгі бөлімде және қорытындыда жүйелі орналасуы.

*Жоспар – лекциядагы ой ұшығында тармақтала орналасып, мәтіндік ұлгіде безендірілген сөйленер сөздің негізгі элементтерінің жүйесі.* Мәселен, проблемалы лекцияның шамамен мөлшерленген жоспарының үлгісі төмендегіше:

Тақырып \_\_\_\_\_  
(сөйленер сөз нысанының атауы)  
Әлеуметтік  
міндеті \_\_\_\_\_  
(қоғамдық қажеттілігі)

Лекция  
мақсаты \_\_\_\_\_  
(шешенниң саналы түрдегі ұмтылысы)  
Басты  
тезис \_\_\_\_\_  
(басты қозғаушы ой, идея, ереже)  
Негізгі мәселелер:  
1) проблемасы \_\_\_\_\_ (қыын жағдаят)  
2) мүмкін болар жолдар \_\_\_\_\_ (альтернативті келістер)  
3) ұсынылар  
шешім \_\_\_\_\_ (іс-әрекетке жол табу)

Ой ұшығы индуктивті, дедуктивті, аналогия бойынша құрылып, саралау бағытында хронологиялық т.б. қалыпта болуы мүмкін.

Сөйленер сөздігі ой ұшығын межелей отырып, лекцияның шамамен мөлшерленген жоспарын құрастырганнан кейін, сөйленер сөздің (лекцияның) композициясын құруға көшкен орынды.

*Сөйленер сөз композициясы – бұл оның құрастырылуы, жинақталуы, реттелуі, құрамды боліктерінің орналасуы, баяндалу тәртібі.*

Дәстүрлі композиция үш блок материалдарын қамтиды: кіріспе, негізгі бөлім және қорытынды (1-кесте). Сөйленер сөз композициясы туралы М. В. Ломоносов былай жазады: «Расположение – есть изобретенных идей соединение в пристойный порядок ... Храброго вождя искусство состоит не в одном выборе добрых и мужественных воинов, но не меньше зависит и от приличного установления полков».

Лекция материалдарын орналастыруда жүйелілік, үдете түсу, органикалық біртұтастық пен үнемділік қағидаттарын басшылыққа алу орынды. Идея дамуының жүйелілік қағидаты шешендеңді баяндауды әрбір ілгері ойдың алдынғыдан туындал жататыныңдай не бір-бірімен етене байланысты қалыпта болуында түркіда ойластыруды қажет етеді. Бұл құрылымдық жинақтылықтың, сөйленер сөздің тұғастығының, сәйкесінше, шешендей өнер туындысы ретіндегі сөйленер сөздің аяқталғандығының міндетті жағдайы. Атапмыш қағидатты орынды ұстану – тындаушылардың назарын аудартуға етене ұмтылыс жасауга, нақты жүйеленіп жинақталған мақсат арқылы тындаушылардың ойлағанынан шығуға, ілгері материалды баяндауға кең жол ашуға септесетін сөздің басқы тұсындағы идеяның толысуын жүзеге асыру. Бұның бері кіріспеде жүзеге асырылады. Бұдан кейін негізгі бөлімде мақсатқа қол жеткізілгені жөнінде айту міндетті. Мұндай жағдайда сөйленген сөз аяқталған шығарма іспеттес қабылданады.

Әсер етуді үстемелету ұстанымы айғақтардың дәлелдемелік күшінің, сезім мен құлшының қуаттарының мәндігін біртіндеп ұлғайта түсуді міндеттейді. М. В. Ломоносовқа сүйене айтсақ, алғашында тындаушылардың ақылмен қабылдауына «әзірлеу» керек. Алғашқы минуттарда күшті айғақтар мен бұрқыраған эмоцияларды таныту тиімсіз. Сөйлеу барысында тындаушылардың зейіні солғындан төмендей бастағанда, қызығушылық мейлінше күшті дәлелдеме көздерімен және эмоциональдық шегіністермен қыздырылады. Сөз соңында мақсатқа жету үшін аудиторияға психологиялық тұрғыда ұшқын ендірге қол жеткізу міндетті. Бұл арада ең бір сенімді айғақтар мен әсер етудің психоэмоциональдық тәсілдерін қолдану тиімді. Аталмыш қафидат зейіннің құлдырауы заңдылықтарымен әсер етудің эстетикалық заңдарынан туындаиды.

Мейлінше аз мерзім, күш-қайрат және сөйлеу құралдарын жұмсай отырып, максимум тиімділікке қол жеткізу қафидаты шешенниң алға қойылған мақсатқа барынша қарапайым, белгіленген аудиторияға сәйкесті сендіру амалдары мен баяндау схемасына қол жеткізуге ұмтылысын аңғартады.

Педагогикалық жұмыстың бірден-бір сәтті де нәтижелі болуы жоспарланған нәтижелерге жетуде шешенниң де, тындаушылардың мүмкіндігінше аз күш-жігер мен уақыт шығындауында. Бұл орайда Аристотель өз тұсында: «... если мы имеем даже самые точные знания, все-таки нелегко убеждать некоторых людей, говоря на основании этих знаний, потому что оценить речь, основанную на знании, есть дело образования, а здесь перед толпою это невозможно. Здесь мы непременно должны вести доказательства и рассуждения общедоступным путем ...» [2, 17-18 б.], – деген.

Ал, енді лекция оқуда көбірек кездесетін композициялық олқылықтар қандай? Біздіңше, бұлар төмендегіш:

- сөз басының болмауы, тақырыпқа шұғыл туралай енушілік пен сөйленген сөздің мезі етер бір қалыпты болуы;
- бір ойдан екінші ойға ауысадағы, бір мәселеден екінші мәселеге өтердегі түсініктілік пен нақтылық болмауы;
- бөлімаралық сәйкесті көлемділіктің бұзылуы (кіріспенің созылыңқы болуы, негізгі мәселелердің көптігі, корытындының тым келте қайрылуы);
- теориялық пайымдаулардың басымдылығы мен эмоциональды сергітудің болмауы;
- корытындыда соңының нақтылықтың болмауы;
- ой дамуының логикасы сакталмауына сәйкесті пайымдаулардағы бос сөзділік.

Жалпы адамдар теориядан гөрі дерекке (болған оқиғаға, істелген іске) көбірек сенері даусыз. Мәселен, біз өз сөзімізде мүмкін болар салыстыруларды қолдана білсек, онда теориялық идеяны жаңдандыра отырып, оларды өмірдің өзіндегі етуге мүмкіндік тудады, ақырында, өзгелерді өз түйіндеу-пайымдауларымыздың дұрыстығына сендіре аламыз.

Біздіңше, лекцияға әзірлік барысында төмендегідей мәселелер турасында ойлану керек-ақ:

1. мақсатқа қол жеткізудегі ең қызығылқыты әрі қыска да нұсқа жол қайсысы екендігі;
2. баяндау барысының қарапайым әрі түсінікті болуы;
3. пайымдаманың аудиторияны еліте еріте алуы.

Осы айтылғандарды жақында ұстай отырып, лекция композициясына жауап берерліктеі, лекциядағы ой ұшығын анықтауға және нақты тезисті жоспар құруға ұмтылған жөн (1-кесте).

Нәтижеде тезисті жоспар мен композицияны байланыстыра отырып, бұларды нақты мысалдармен, айғақ-дәлелдермен толықтыра келе, шешендік мәнерлегіш құралдарды қолдану барысында лекция мәтінінің алғашқы нұсқасы жасалады.

## **ӘДЕБИЕТТЕР ТІЗІМІ**

1. Толмачев, А. В. Операторами становятся / А. В. Толмачев. // В кн. «Наука убеждать». – М. : Молодая гвардия. – 1969.
2. Мурашов, А. А. Основы педагогической риторики / А. А. Мурашов. – М. : Мысль 1996. – 281с.